

KEJAYAAN CEMERLANG PELAJAR PROGRAM PRA DIPLOMA SAINS

Disediakan oleh: Suhaiza Hasan

*“Yang bulat tidak datang bergolek, Yang Pipih tidak datang melayang”
“Di mana ada kemahuan, di situ ada jalan”*


Seramai 46 pelajar lepasan Sijil Pelajar Malaysia (SPM) telah berjaya menyambung pengajian ke Program Pra Diploma Sains UiTM Cawangan Pulau Pinang pada semester kemasukan Oktober 2021 – Februari 2022. Program Pra Diploma Sains ini adalah satu program peringkat pra diploma di bawah Fakulti Sains Gunaan yang memberi peluang kedua kepada para pelajar lepasan SPM untuk membuat persediaan sebelum meneruskan pengajian ke penerapan diploma UiTM dalam bidang sains dan teknologi. Seramai 33 pelajar telah berjaya mencapai keputusan HPNG 3.50 dan keatas dalam penilaian akhir yang dijalankan pada Februari 2022. Daripada jumlah itu seramai 4 pelajar telah mendapat keputusan cemerlang HPNG 4.00. Kecemerlangan mereka ini sangat memberi inspirasi kepada semua pelajar. Sesungguhnya kejayaan ini turut membuktikan bahawa dengan iltizam dan bantuan serta bimbingan, pelajar-pelajar yang agak lemah keputusan SPM dan daripada golongan B40 juga mampu berjaya dengan cemerlang sekiranya diberi peluang.



DAYANG NUR FATIN NADHIRAH
BINTI AWANG DAMIT
PROGRAM : PD007
HPNG : 4.00



NURARTIKA BINTI
KHARIZAM
PROGRAM : PD007
HPNG : 4.00



ALYA NURAZMINA BINTI
ABDUL HAMED
PROGRAM : PD008
HPNG : 4.00



MUHAMMAD NURHILMAN BIN
MOHD ROZALEE
PROGRAM : PD008
HPNG : 4.00

Dayang Nur Fatin Nadhirah Binti Awang Damit berkata beliau sangat bersyukur dengan keputusan yang diraihinya. Walaupun pada mulanya agak gementar dengan sesi Pembelajaran dan Pengajaran (PdP) adalah secara maya, namun ia dapat diikuti dengan baik. Menurut Dayang lagi, rajin membuat latihan tutorial yang diberikan oleh pensyarah adalah antara formula untuk mencapai keputusan yang cemerlang. Sementara itu bagi Muhammad Nurhilman Bin Mohd Rozalee yang kini berjaya meneruskan pengajian dalam Diploma Sains Komputer di UiTM Cawangan Perlis, Kampus Arau, beliau menyatakan fokus di dalam kelas *online* sangat penting untuk menguasai subjek Fizik dan Kimia. Setiap kelas perlu diikuti agar tidak ada topik yang ketinggalan. Jutaan terima kasih juga diucapkan kepada semua pensyarah yang terlibat dalam mengendalikan kuliah, tutorial serta makmal bagi program Pra Diploma Sains di UiTM cawangan Pulau Pinang. Semoga kecemerlangan ini akan menjadi contoh yang baik kepada semua bakal pelajar untuk semester hadapan.

“Usaha tangga kejayaan”